



Adresseinformasjon fylles inn ved ekspedering.  
Se mottakerliste nedenfor.

Dato: 16.05.2023  
Vår ref: 21/05502-19  
Deres ref:

## Høyring av søknad om driftskonsesjon for Fossdal pukkverk i Åseral kommune. Søkjar: Fossdal pukkverk AS

### POST- OG BESØKSADRESSE

Ladebekken 50  
7066 Trondheim

**TELEFON** + 47 73 90 46 00

**E-POST** [post@dirmin.no](mailto:post@dirmin.no)

**WEB** [www.dirmin.no](http://www.dirmin.no)

**GIRO** 7694.05.05883

**SWIFT** DNBANOKK

**IBAN** NO5376940505883

**ORG.NR.** NO 974 760 282

### SVALBARDKONTOR

**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter minerallova § 43. Ein driftskonsesjon fastset blant anna korleis mineralførekomsten skal takast ut, korleis uttaksområdet skal sikrast under og etter enda drift, og andre forhold som må takast hand om under drifta. Driftsplanen for uttaket er ein del av høyringsdokumenta.

For at søknaden skal bli så godt opplyst som mogleg, sender vi saka på høyring, jf. forvaltningslova § 17. Heile eller delar av høyringsfråsegna kan bli refererte i vedtaket om driftskonsesjon.

Vi presiserer at det er kommunen som bestemmer arealbruken i medhald av plan- og bygningslova. Fråsegner knytte til dei arealdisponeringane kommunen har vedteke, legg vi derfor ikkje vekt på i vurderinga vår.

### Høyringsfrist: 19. juni 2023

Høyringsdokumenta er tilgjengeleg på <https://dirmin.no> under «saker til høyring».

### Samandrag av søknaden

DMF har motteke søknad om driftskonsesjon frå Fossdal pukkverk AS for uttak på gbnr. 32/6 i Åseral kommune. Det søkte konsesjonsområdet er på 41 daa. Innanfor dette området skal det berre tas ut massar i vest, dette området er omtrent 22 daa og kan sjåast i kart i høyringsvedlegget.

Det er anselege eit årleg uttak av fast fjell på om lag 25 000 m<sup>3</sup> og eit samla uttak på 250 000 m<sup>3</sup>.

Delar av området er avsett til råstoffutvinning i kommuneplanen. Kommunen har gjeve dispensasjon frå kommuneplanens arealdel for utviding av massetaket, denne er gjeve med fleire vilkår.

### Kva vurderer DMF i samband med søknaden?

DMF vurderer søknadene etter skjønn før vi eventuelt tildeler driftskonsesjon. I vurderinga legg vi vekt på om søkjaren er «skikka» til å utvinne førekomsten. Det vil



seie om prosjektet synest økonomisk gjennomførleg, om søkjaren har god nok kompetanse, og om det er lagt opp til bergfagleg forsvarleg drift av førekomsten.

Vi vurderer òg

- kva tiltaket betyr for verdiskaping og næringsutvikling
- korleis tiltaket påverkar naturgrunnlaget for samisk kultur, næringsliv og samfunnsliv
- korleis tiltaket påverkar omgivnadene og nærliggjande område under drifta
- kva miljømessige konsekvensar tiltaket får
- kva planar som ligg føre for etterbruk eller tilbakeføring av området

### **Forventingar til høyringsfråsegnene**

DMF oppfordrar om at høyringsfråsegna inneheld grunngjevne synspunkt på om driftskonsesjon skal tildelast eller ikkje med bakgrunn i dei forhold som DMF skal vurdere. Om det er forhold som ikkje er tilstrekkeleg opplyst i søknaden, ber vi om informasjon om det.

I samband med behandling av søknaden har vi gjennomført søk i relevante natur- og miljødatabasar, der vi har fått følgande treff:

- Søk i Artsdatabankens kartlag viser treff på den framande arten Sandskrinneblom – potensiell risiko (PH) like ved det føreslegne konsesjonsområde, sjå høyringsvedlegget side 16.
- Søk i Naturbase kart og sensitive artar maskert viser treff på fiskeørn, hubro og kongeørn i uttaksområdet, sjå høyringsvedlegg side 17 – 19. Søk i Naturbase kart viser også at Mandalselva - Øre til Håverstad bekkefelt ligger vest og sør for uttaket. Sjå høyringsvedlegget side 20.
- Frå søk i NVE sin database er det gjort funn som viser at området ligg i utløpsområdet for steinsprang, utløysings- og utløpsområde for snøskred samt potensielt jord og flomskredfare, sjå høyringsvedlegget side 21 – 23. Søk i NVE sitt brattheitskart visar brattheita rundt uttaket, dette er vist i høyringsvedlegg side 24.
- Søk i NGU sitt aktsemdkart for radon viser at området er registrert med moderat til lav aktsemdgrad, sjå høyringsvedlegget side 25.

Vi ber særleg kommunen, statsforvaltaren og fylkeskommunen opplyse om tiltaket påverkar miljøet, mellom anna naturmangfald, kulturminne og inneber forureining. Vidare ber vi om instansane si vurdering av eventuelle konsekvensar og konkrete forslag til avbøtande tiltak og vilkår.

Vi ber kommunen om å informere oss snarast dersom partar som saka vedkjem i særleg grad, ikkje står på adresselista for denne høyringa.

Høyringsfråsegnene skal sendast til e-post: [post@dirmin.no](mailto:post@dirmin.no) eller med ordinær post: Direktoratet for mineralforvaltning med Bergmeisteren for Svalbard, Ladebekken 50, 7066 Trondheim.



Venleg helsing

Cathrine Winje  
rådgjevar

Marte Fostad Opheim  
rådgjevar

*Dokumentet er elektronisk signert og har derfor ikkje handskrivne signaturar.*  
Saksbehandlar: Marte Fostad Opheim

Vedlegg:  
Høyringsvedlegg

Mottakere:

Norges vassdrags- og energidirektorat Region sør	Postboks 2124	3103 TØNSBERG
Åseral kommune	Gardsvegen 68	4540 ÅSERAL
Mattilsynet	Postboks 383	2381 BRUMUNDDAL
Statsforvalteren i Agder	Postboks 504	4804 ARENDAL
Agder Energi AS	Postboks 603 Lundsiden	4606 KRISTIANSAND S
Statens vegvesen	Postboks 1010 Nordre Ål	2605 LILLEHAMMER
Agder fylkeskommune	Postboks 788 Stoa	4809 ARENDAL
DSA Direktoratet for strålevern og atomsikkerhet	DSA Postboks 329	0213 Oslo

Kopi til:

Fossdal Pukkverk v/ Vasland Maskin AS	v/Leif Roger Vasland, Solfjellveien 22	4529 BYREMO
---------------------------------------	---	-------------